



AKHBAR RASMI KERAJAAN NEGERI BRUNEI
DI-TERBITKAN PADA TIAP² HARI RABU

TAHUN 11 BILANGAN 27 RABU 6 JULAI, 1966. 1386 رابع الاول رابو 17 PERCHUMA

D.Y.M.M. MAULANA AL-SULTAN DAN D.Y.M.M. RAJA ISTERI SELAMAT BERANGKAT KA-LONDON

BERAKAS. — Duli Yang Maha Mulia Paduka Seri Baginda Maulana Al-Sultan, Sir Omar Ali Saifuddin dan Duli Yang Maha Mulia Raja Isteri telah selamat berangkat dari Brunei ka-United Kingdom dengan kapal terbang pada hari Rabu yang lalu.

Baginda kedua telah berangkat dari Lapangan Terbang Berakas ka-London melalui Hong Kong pada tengah hari tersebut.

Sa-belum Duli Yang Maha Mulia Paduka Seri Baginda Maulana Al-Sultan dan Duli Yang Maha Mulia Raja Isteri

menaikki kapal terbang, ramai para hadirin di-Lapangan Terbang Berakas telah menziarahi Duli Yang Maha Mulia.

Di-antara-nya ia-lah Yang Teramat Mulia Seri Paduka Duli Pengiran Bendahara; Yang Teramat Mulia Seri Paduka Duli Pengiran Pemancha;

Menteri Besar Brunei, Yang Amat Berhormat Dato Seri Paduka Marsal bin Maun; Pesuruh Jaya Tinggi British di-Brunei, Yang Terutama Awang F. D. Webber; Setia Usaha Kerajaan, Yang Berhormat Pengiran Dato Seri Paduka Haji Mohamed Yusof bin Pengiran Haji Abdul Rahin; Y.B. Penulong² Menteri; Ahli² Majlis² Mashuarat; Ketua² Pejabat² Kerajaan; Pegawai² Pentadbiran dan pembesar² negara.

Semasa Duli Yang Maha Mulia Paduka Seri Baginda Maulana Al-Sultan bersemayam di-luar negeri, Yang Teramat Mulia Seri Paduka Duli Pengiran Pemancha Muda Haji Mohamed Alam memangku jawatan sa-bagai Timbalan Sultan.

Y.T.M. Seri Paduka Duli Pengiran Bendahara kelihatan menziarahi D.Y.M.M. Paduka Seri Baginda Maulana Al-Sultan di-Lapangan Terbang Berakas pada hari Rabu yang lalu sa-belum D.Y.M.M. Maulana Al-Sultan dan D.Y.M.M. Raja Isteri berangkat ka-London.



SAMBUTAN MAULUD DI-BANDAR BRUNEI:

Beribu² Orang Membanjiri Padang Besar Dan Mengambil Bahagian Dalam Perarakan

BANDAR BRUNEI. — Yang Teramat Mulia Seri Paduka Timbalan Sultan, Duli Pengiran Pemancha telah menyatakan betapa bangga-nya hati Yang Teramat Mulia melihat semangat yang telah di-tunjukkan oleh umat Islam di-Negeri Brunei bagi menjunjung kebesaran Nabi Mohamed s.a.w.

Yang Teramat Mulia Duli Pengiran Pemancha telah melafadzkan ucapan tersebut di-majlis penutup sambutan Maulud Nabi di-Padang Besar Bandar Brunei pada petang hari Sabtu 2 Julai, 1966.

Majlis sambutan tersebut di-mulai dengan Bach'an Al-Koran oleh Dayang Aminah

binte Siling dan di-turuti dengan persembahan Nashid oleh beberapa orang murid² perempuan di-bawah pimpinan Al-Ustadz Awang Abdul Kadir bin Awang.

Kemudian telah di-lakukan tembakan meriam sa-banyak 12 das.

Perarakan itu di-mulai dengan Bachaan Salawat di-ketuai oleh Yang Di-Muliakan Pehin Siraja Khatib, Awang Haji Abdul Hamid dan di-dahului oleh Ahli² Jawatan Kuasa Sambutan Maulud Negeri Brunei.

Turut mengambil bahagian dalam perarakan tersebut ia-lah Setia Usaha Kerajaan, Yang Berhormat Pengiran Dato Seri Paduka Haji Mohamed Yusof bin Pengiran Haji Abdul Rahim; Penulong Menteri Pos dan Kebajikan, Yang Berhormat Pengiran Haji Mohamed Yusof bin Pengiran Mohamed Limbang; Penulong Menteri Pertanian, Yang Berhormat Pengiran Damit bin Pengiran Sunggoh; Pengetua Pegawai Hal Ehwal Ugama Brunei, Yang Amat Mulia Pengiran

Muda Dato Paduka Kemaluddin dan beberapa orang Pegawai² Kanan Kerajaan.

Berarak di-belakang beliau² tersebut ia-lah Pasokan Pencharagam Askar Melayu Di-Raja Brunei; Pegawai² serta Anggota² Askar Melayu Di-Raja Brunei.

Kemudian baharu-lah diikuti oleh pasokan² yang mengambil bahagian dalam perarakan ia-itu mengandungi 80 pasokan dan tidak kurang daripada 4,000 orang peserta².

Sa-lepas pasokan² itu berarak mengelilingi Bandar Brunei, mereka telah berkumpul sa-mula di-Padang Besar, Bandar Brunei.

Yang Teramat Mulia Seri

(Lihat Muka 8)

Anak2 Yang Mempunyai Pelajaran Ia-Lah Tuan Rumah Negara

— Kata Awang Johari

BERAKAS. — Penulong Pegawai Daerah Brunei dan Muara, Awang Johari bin Abdul Razak telah menyampaikan hadiah2 kepada murid2 yang berjaya dalam sambutan Minggu Pelajaran Sekolah Melayu Delima Satu, Berakas pada pagi hari Khamis yang lalu.

Sa-belum menyampaikan hadiah2 itu, Awang Johari telah di-jemput untuk berucap di-majlis tersebut.

Dalam ucapan Awang Johari di-majlis itu, beliau menegaskan bahawa kita semua ada-lah bertanggung jawab dalam perkembangan Pelajaran dan pendidekan yang bukan sahaja di-tumpukan dan diserahkan bulat2 kepada Guru2, tetapi para ibu-bapa serta masyarakat ada-lah juga mempunyai tanggung jawab yang sama.

Maka dengan sebab itu, kata beliau, hubungan dan kerjasama yang rapat di-antara Guru2 dan para ibu-bapa dan masyarakat umom-nya, tidak-lah boleh di-pisah2kan.

Selanjut-nya Awang Johari berkata, "Sa-tiap negara yang berkemajuan di-dalam Dunia ini mengadakan sa-tiap tahun hari perayaan masing2 dengan riang-gembira walau pun chara perayaan itu berlainan seperti perayaan Minggu Pelajaran yang di-adakan pada tahun ini.

Tujuan besar-nya Minggu Pelajaran di-adakan ia-lah untuk memberi peluang saluas2-nya kepada ibu-bapa dan penjaga kanak2 serta semua golongan masyarakat untuk mengetahui lebih jelas lagi akan kemajuan atau kemunduran anak2 mereka di-dalam persekolahan-nya.

BEKERJASAMA

Dari situ nanti dapat-lah kita membincangkan dan bekerjasama dengan Guru2 tentang kelemahan2 yang telah didapati di-kalangan anak2 mereka dalam semua lapangan pelajaran."

"Pada zaman ini," kata beliau lagi, "tidak-lah salah jika saya katakan Pelajaran itu ada-lah suatu penyukat bagi menyukat untuk mengetahui kemajuan atau kemunduran sa-sabua negara itu, andai kata, Pelajaran itu ada-lah menyedarkan kita bagaimana penting-nya zat2 makanan kepada tuboh kita. Begitu-lah penting-nya Pelajaran, kerana dengan ketiada'an zat2 makanan, seluroh tuboh kita akan menjadi lemah.

Anak2 yang mempunyai Pelajaran itu, ia-lah **TUAN RUMAH NEGARA**. Jadi nyata-

lah bahawa berapa mustahak-nya anak2 kepada sa-sabua negara itu.

PADA MASA SILAM.....

Pada masa yang silam, kebanyakan anak2 kita tidak mempunyai Pelajaran yang sempurna dan hal sedemikian, menyebabkan sa-bilangan besar daripada anak2 hidup sengsara.

Yang demikian, para ibu-bapa atau penjaga kanak2 mesti-lah bertanggung jawab untuk memberi asohan yang berguna lagi berharga kepada

kanak2 mereka, kerana kanak2 pada hari ini ia-lah yang akan menjadi **PEMIMPIN NEGARA** pada masa hadapan.

Dengan alasan2 yang saya sebutkan, maka dapat-lah kita mengetahui bahawa Pelajaran bukan sahaja untuk mengembirakan kanak2 — bahkan ada-lah memperingati ibu-bapa serta ra'ayat jelata supaya mementingkan yang bertujuan untuk menggalakkan ibu-bapa memelihara dan mendidik anak2 mereka dengan sempurna."

Akhir-nya Awang Johari telah menyeru dan berharap moga kanak2 sekolah akan lebih rajin belajar serta **MENCINTAI TANAH AYER** yang mana Kerajaan Duli Yang Maha Mulia Maulana Al-Sultan, Brunei dengan kuat keazaman memberi perhatian berat kepada pendidekan kanak2 di-Negeri Brunei Darus Salam ini.

BAHATH S.M. DELIMA SATU:

MURID2 PEREMPUAN MENGALAHKAN MURID2 LELAKI

BERAKAS. — Satu perbahathan yang hangat bertajok, "TINGGAL DI-DARAT LEBEH BAIK DARIPADA TINGGAL DI-KAMPONG AYER" telah di-bahatkan di-antara 3 orang murid2 lelaki dengan 3 orang murid2 perempuan Sekolah Melayu Delima Satu, Berakas pada pagi hari Khamis yang lalu.

Majlis perbahathan tersebut telah di-adakan di-sekolah Melayu Delima Satu, Berakas sa-bagai satu daripada acara2 sambutan Minggu Pelajaran.

Pasokan murid2 perempuan telah bertugas sa-bagai penchadang, manakala pasokan murid2 lelaki telah bertugas sa-bagai pembangkang.

Peserta2-nya ada-lah seperti berikut:

PENCHADANG: 1.) Dayangku Zauyah Pengiran Damit; 2.) Dayangku Salmiah Pe-

ngiran Hashim dan 3.) Azizah Abdullah.

PEMBANGKANG: 1.) Lidi bin Mili; 2.) Awangku Mohamed Pengiran Yusof dan Musim Palu.

KEPUTUSAN: Pasokan Penchadang telah menang.

Pasokan Penchadang mendapat 181 mata dan Pasokan Pembangkang mendapat 98 mata.

Ahli2 M.M.D. Temburong Melawat Padang Minyak

SERIA. — Tujoh orang Ahli2 Majlis Mashuarat Daerah Temburong telah melawat ka-Padang Minyak Seria baru2 ini.

Semasa lawatan tersebut, mereka telah di-bawa melihat kumpulan tangki2 minyak, telaga2 minyak dan Pusat Latihan Shariat Minyak Shell.

PENDAFTARAN KANAK2 UNTUK BELAJAR DI-S.M.

MUHAMMAD ALAM

SERIA. — Ibu-bapa dan penjaga kanak2 yang tinggal di-kawasan Seria yang ingin hendak memasokkan anak2 mereka belajar di-Sekolah Melayu Muhammad Alam, Seria dalam tahun 1967, ada-lah di-ingatkan supaya mendaftarkan nama kanak2 itu dengan sabereberapa segera.

Hanya kanak2 yang berumur genap 6 tahun atau lebih pada 1 Januari, 1967 sahaja akan di-terima pendaftaran-nya.

Para ibu-bapa dan penjaga kanak2 tersebut ada-lah diminta'alomkan bahawa umur kanak2 yang kurang daripada 6 tahun pada 1 Januari, 1967 tidak-lah perlu di-daftarkan.

Sijil2 Beranak atau Surat2 Sumpah yang menyatakan umur kanak2 yang berkenaan itu, **MESTI-LAH** di-bawa pada masa mendaftarkan nama kanak2 tersebut.

Kanak2 itu tidak-lah perlu di-bawa oleh para ibu bapa atau penjaga kanak2 pada masa di-adakan pendaftaran.

PERKHEMAHAN PENGAKAP DAERAH BELAIT

SERIA. — Pegawai2 Pengakap dan Pengakap2 di-Daerah Belait akan menghadhiri Perkhemahan Tahunan mereka di-Sungai Tali mulai pada hari Juma'at 15 Julai hingga ka-hari Ahad 17 Julai.

SAMBUTAN MAULUD DI-MUARA

PEKAN MUARA. — Penduduk2 di-kawasan Muara telah menyambut Hari Ulang Tahun Keputeraan Nabi Mohamed s.a.w., dengan mengadakan satu perarakan melalui Pekan Muara pada petang hari Juma'at yang lalu.

Perayaan tersebut telah dibuka dengan rasmi-nya oleh Yang Mulia Awang Ali bin Awang Ahmad, Ahli Majlis Mashuarat Daerah Brunei dan Muara bagi kawasan Muara bertempat di-Masjid Setia Ali, Pekan Muara.

Sa-lepas berarak semua pasokan2 yang mengambil bahagian telah berkumpul di-pekaran Masjid Setia Ali di-mana telah di-adakan Majlis Memberi Uchapan dan Menyampaikan Hadiah.

Uchapan2 telah di-lafadzkan oleh Pemangku Kadzi Besar Negeri Brunei, Yang Mulia Awang Haji Mohamed Zain bin Haji Serudin; Kadzi Daerah Brunei dan Muara, Awang Abdul Salam bin Abdul Razak dan oleh Setia Usaha Sambutan tersebut, Chegu Abdul Rahman bin Haji Hashim.

Yang Mulia Awang Haji Mohamed Zain bin Haji Seruddin telah menyampaikan hadiah2 kepada pasokan2 yang berjaya dalam perarakan tersebut.

Keputusan perarakan itu ada-lah seperti berikut:

BAHAGIAN KAMPONG2:

Pertama — Kampong Serasa. Kedua — Badan Kebajikan Kampong Masjid Lama. Ketiga — Kampong Sabun.

BAHAGIAN SEKOLAH2:

Pertama — Sekolah Ugama Serasa. Kedua — Sekolah Ugama Sultan Umar Ali Saifuddin, Pekan Muara. Ketiga — Sekolah Ugama Tanah Jambu.

Majlis itu di-tamatkan dengan Bacaan Do'a Selamat oleh Imam Masjid Setia Ali, Awang Abdul Aziz bin Haji Mahmud.

Waktu² Sembahyang, Imsak dan Matahari Terbit

Waktu2 sembahyang imsak dan matahari terbit bagi Daerah2 Brunei/ Muara, Tutong dan Temburong mulai hari Rabu 6 Julai, hingga ka-hari Selasa 12 Julai, 1966 ada-lah seperti di-bawah ini:—

Waktu sembahyang dan imsak bagi Daerah Belait hendak-lah di-tambah tiga minit pada tiap2 waktu.

Sembahyang Juma'at di-seluruh Negeri Brunei di-mulai pada pukul 12-45 tengah hari.

KEPUTUSAN PERARAKAN MAULUD DI-BANDAR BRUNEI

BANDAR BRUNEI. — Sa-banyak 80 pasokan mengandungi tidak kurang daripada 4,000 orang peserta2, telah mengambil bahagian dalam perarakan Maulud Nabi Mohamed s.a.w., di-Bandar Brunei pada petang hari Sabtu yang lalu.

Timbalan Sultan, Yang Teramat Mulia Seri Paduka Duli Pengiran Pemancha telah menyampaikan hadiah2.

Perarakan itu telah di-bahagikan kepada lima bahagian, ia-itu (a) Bahagian2 Lelaki Dewasa Kampong2; (b) Bahagian Lelaki Dewasa Jabatan2, Persatuan2, Maktab2, Sekolah Menengah; (c) Bahagian Murid2 Perempuan2 Dewasa; (d) Bahagian Murid2 Sekolah Perempuan dan (e) Bahagian Murid2 Sekolah Lelaki.

Keputusan perarakan tersebut

ada-lah seperti berikut:

- (a) BAHAGIAN LELAKI DEWASA KAMPONG2: Johan — Gabungan Kampong2 Telanai, Mediwa, Bengkurong dan Tasek Meradun. Naib Johan — Kampong Pintu Malim. Ketiga — Kampong Pengiran Pemancha Lama, Brunei.
- (b) BAHAGIAN LELAKI DEWASA, JABATAN2,

PERSATUAN2, MAKTAB2 DAN SEKOLAH MENENGAH: Johan — Pulis Diraja Brunei. Naib Johan — Persatuan Kebajikan Melayu Sa-Malaysia. Ketiga — Persatuan Angkatan Pemuda / Pemuda Kampong Sultan Lama.

(c) BAHAGIAN PEREMPUAN DEWASA: Johan — Maktab Perguruan Melayu Brunei. Naib Johan — Kampong Pandai Besi "B". Ketiga — Maktab Sultan Omar Ali Saifuddin, Bandar Brunei.

(d) BAHAGIAN MURID2 SEKOLAH PEREMPUAN: Johan — Sekolah Tinggi Perempuan Raja Isteri, Bahagian "A". Naib Johan — Sekolah Tinggi Perempuan Raja Isteri, Bahagian "B". Ketiga — Sekolah Ugama Perempuan Bandar Brunei, Bahagian "B".

(e) BAHAGIAN MURID2 SEKOLAH LELAKI: Johan — Asrama, Maktab Sultan Omar Ali Saifuddin, Bandar Brunei. Naib Johan — Maktab Sultan Omar Ali Saifuddin, Bandar Brunei. Ketiga — Sekolah Menengah Arab Hassanah Bolkiah, Bandar Brunei.

Pemenang2 Perarakan Maulud Di-Pekan Muara



GAMBAR ATAS: Pasokan Kampong Serasa yang telah menjadi Johan dalam Bahagian Kampong2.

GAMBAR KIRI: Pasokan Sekolah Ugama Serasa yang telah menjadi Johan dalam Bahagian Sekolah2.

DERMA KENANGAN MAULUD

BANDAR BRUNEI. — Jawatan Kuasa Derma Kenangan Maulud Nabi Negeri Brunei telah melancarkan jualan lenchana bagi mengutip derma tersebut.

Lenchana itu ada-lah dua jenis, ia-itu jenis kecil yang di-buat daripada kertas dan lenchana besar berbentuk bulat di-buat daripada plastik yang boleh di-pasang di-chermin kereta.

Orang ramai ada-lah di-jemput membantu tabong derma tersebut.

SAMBUTAN MAULUD

AL-HAMDULILLAH Sambutan Hari Keputeraan Junjongan kita Nabi Mohamed s.a.w., telah di-adakan di-Bandar Brunei pada petang hari Sabtu 2 Julai, 1966 dengan memperolehi kejayaan yang gilang gemilang.

Kejayaan itu bukan sahaja di-perolehi dari hasil kerjasama Pegawai2 Jabatan Hal Ehwal Ugama Negeri Brunei dan Jawatan Kuasa Sambutan Maulud, bahkan atas kerjasama umat Islam keseluruhannya.

Sa-bagai satu bukti kejayaan itu, beribu2 orang umat Islam dan lain2-nya telah membanjiri Padang Besar, Bandar Brunei dan jalan2 raya dalam kawasan Bandar Brunei pada petang hari Sabtu yang lalu untuk mengambil bahagian dan juga menyaksikan perarakan tersebut.

Beberapa minggu sa-belum di-adakan perarakan itu, pasokan2 yang berhajat hendak mengambil bahagian dalam perarakan tersebut telah di-minta mengadakan dua barisan dalam tiap2 pasokan.

Akan tetapi, oleh kerana ramai bilangan pasokan2 yang telah mendaftarkan untuk mengambil bahagian, ia-itu mengandongi sa-banyak 80 pasokan dan tidak kurang daripada 4,000 orang, maka Jawatan Kuasa sambutan tersebut telah meminta supaya tiap2 pasokan mengadakan tiga barisan.

Yang Teramat Mulia Seri Paduka Timbalan Sultan, Duli Pengiran Pemancha telah melafadzkan satu ucapan yang amat di-hargai di-majlis penutup sambutan tersebut.

Dalam ucapan tersebut, Yang Teramat Mulia Duli Pengiran Pemancha telah menyatakan betapa bangga-nya hati Yang Teramat Mulia melihat SEMANGAT yang telah di-tunjukkan oleh umat Islam di-negeri ini bagi menjunjung kebesaran Nabi Mohamed s.a.w. pada masa di-adakan sambutan Hari Keputeraan Junjongan kita Nabi Mohamed s.a.w., di-Bandar Brunei pada tahun ini.

Sa-moga kata2 yang di-lafadzkan oleh Yang Teramat Mulia Seri Paduka Duli Pengiran Pemancha akan di-sanjong tinggi oleh umat Islam keseluruhannya di-negara ini.

Sa-hari sa-belum di-adakan Sambutan Maulud di-Bandar Brunei, penduduk2 di-Kawasan Muara yang tidak mahu ketinggalan menyambut Hari Kebesaran tersebut, telah mengadakan satu majlis Sambutan Maulud mengandongi perarakan mengelilingi Pekan Muara dan Majlis Memberi Uchapan di-Masjid Setia Ali dengan memperolehi kejayaan.

Sa-lain daripada Sambutan2 Maulud di-Bandar Brunei dan di-Pekan Muara, Sambutan2 Maulud akan juga di-adakan di-Kuala Belait pada petang hari Sabtu 9 Julai; di-Pekan Tutong pada petang hari Juma'at 15 Julai dan di-Pekan Bangar pada pagi hari Sabtu 23 Julai.

Satu PESTA MAULUD NABI akan juga di-adakan di-Bandar Brunei dalam minggu ini, ia-itu bertempat di-Dewan Madrasah, Bandar Brunei pada malam hari Khamis 7 Julai, mengandongi berbagai2 acara.

Sambutan2 sa-chara besar2an yang telah di-adakan dan yang akan di-adakan itu bagi menyambut Hari Keputeraan Junjongan Besar kita Nabi Mohamed di-seluruh negara pada tahun ini, akan membuktikan bahawa perpaduan umat Islam di-seluruh Negeri Brunei kini akan tegoh dan kukuh selagi bersinar peredaran chekerwala mata hari dan bulan.

MINGGU PELAJARAN bagi Sekolah2 Melayu di-seluruh Negeri Brunei yang mengandongi sa-banyak 87 buah sekolah telah selesai di-langsungkan.

Sambutan Minggu Pelajaran itu telah di-mulai pada 26 hingga 30 Jun yang baru lalu dan semua sekolah2 itu sa-chara serentak mengadakan sambutan tersebut dengan chara masing2 tetapi dengan satu tujuan.

Tujuan Pejabat Pelajaran mengadakan sambutan itu ia-lah:

- * Memberi peluang kepada ibu bapa dan penjaga2 murid untuk berkenalan a n t a r a satu dengan yang lain serta bertukar2 fikiran mengenai pelajaran anak2 mereka.
- * Beramah-tamah dengan guru2.
- * Bertukar2 pendapat untuk memajukan dan mengatasi kemundoran pelajaran.
- * Memberi galakan kepada anak2 yang dilawati oleh ibu bapanya dan menambahkan semangat mahu belajar lebih giat lagi.
- * Untuk mengetahui sa-jauh manakah anak2 mereka dalam menempoh pelajaran-nya; dan

Gambar ini ia-lah bentuk sa-orang murid perempuan di-beri n

MINGGU

* Memerhati c h a r a guru ketika menyapaikan sa-suatu m pelajaran dan ba mana kesan-nya pada murid2 y menerima pelaja itu.

Dengan tujuan2 y di-bentangkan itu, m jelas-lah kepada kita hawa Minggu Pelaja ia-lah satu minggu y di-khaskan kepada bapa dan penjaga2 m untuk meninjau dan n g e t a h u i bagaim anak2 mereka belajar sekolah di-sapanjang



Sa-orang bapa kelihatan turut bergembira bersama murid2 itu bermain2 di-halaman



angkatan baru' hasil karya
ng Maya dan lukisan ini
Berantai'.



Gambar ini pula menunjukkan
sa-biji 'tajan' yang di-perbuat
dari tanah liat.



Gambar ini menunjukkan hasil kerja sa-orang murid di-Tanjong
Maya bagi menchipta sa-batang pokok yang di-perbuat dari
akar kayu.

LAJARAN MEMBERIKAN FAEDAH ADA MURID2 SEKALIAN

persekolahan.

Dari hasil tinjauan ibu
pa dan penjaga2 murid
a, maka mereka di-beri
uang pula untuk ber-
kar2 fikiran dengan
ru2 dan ibu bapa dan
njaga2 murid itu juga
beri peluang untuk
mengemukakan penda-
2 mereka bagi menga-
si beberapa kesulitan
ng telah terjadi demi
tok meninggikan dar-
h persekolahan anak2
ereka.

Minggu Pelajaran itu
nggoh pun di-khaskan
pada ibu bapa dan

penjaga2 murid, teta-
pi sanak saudara murid2
atau seluruh anggota
masyarakat negeri ini tel-
ah di-beri peluang untuk
mengadakan lawatan2
ka-sekolah2 yang mereka
sukai.

"Minggu Pelajaran ini
telah mula di-adakan pa-
da tahun 1963 tetapi pada
masa sa-belum-nya sam-
butan itu di-namakan
'Hari Ibu Bapa' yang ha-
nya di-adakan sa-lama
sa-hari sahaja. Oleh se-
bab masa mengadakan
Hari Ibu Bapa itu hanya
sa-hari, maka tentu-lah
ibu bapa atau penjaga2
murid yang ada sa-suatu

hal atau kerja yang mus-
tahak tidak dapat datang
pada hari itu." Demikian-
lah penjelasan Awang
Md. Sum bin Hashim,
Nazir Kesenian Sekolah2
yang juga menjadi penge-
rusi sambutan Minggu
Pelajaran tersebut.

Di-tanya mengenai
sambutan ibu bapa dan
penjaga2 murid pada per-
tama kali-nya minggu pe-
lajaran di-adakan, Awang
Md. Sum menjelaskan
bahawa sambutan mere-
ka pada tahun 1963 be-
lum-lah memuaskan.

"Tetapi dari sa-tahun
ka-satahun mereka telah
mulai beransor2 faham

tujuan Minggu Pelajaran
itu dan pada masa ini pe-
hak Jabatan Pelajaran
sangat2 berpuas hati atas
kerjasama yang telah di-
tunjokkan oleh ibu ba-
pa.

"Telah jelas benar
yang ibu bapa dan pen-
jaga2 murid telah benar2
menyedari akan penting-
nya pelajaran bagi anak2
mereka dan mereka telah
mengemukakan penda-
pat2 yang menggalakkan
untuk meninggikan taraf
pelajaran di-negeri ini."
Jelas Awang Md. Sum.

"Sebab itu-lah," kata
beliau, "dari pertimba-
ngan dan perhatian yang
telah di-berikan, maka
dengan tidak di-sedari
perubahan demi peru-
bahan di-lakukan di-sa-
tiap sekolah supaya ma-
ta2 pelajaran yang di-
berikan kepada murid2
akan senang di-terima
dengan meninggalkan kes-
an yang baik."

Dalam s a m b u t a n
Minggu Pelajaran 1966
ini, kita telah menyaksi-
kan berbagai2 perubahan
yang telah di-chapai oleh
murid2 dalam sa-suatu
mata pelajaran yang di-
ajarkan. Hampir semua
mata2 pelajaran yang di-
ajarkan telah meninggal-
kan kesan yang boleh di-
anggap memeranjatkan
juga.

Tetapi, walau bagaima-
na pun tidak pula me-
nafikan ada-nya kele-
mahan2 dalam soal ini.
Hanya bersama2-lah kita
tinjau pada sambutan
Minggu Pelajaran 1967.



lah Melayu Lambak ketika



Sambutan Minggu Pelajaran di-Sekolah Melayu Senaut, Jalan
Tutong.

JAWATAN - JAWATAN KOSONG:

Kerani Tingkatan 'A' Lantekan Khas

PERMOHONAN2 ada-lah dipelawa daripada pegawai2 yang di-dalam Perkhidmatan Tetap dan yang telah menamatkan perkhidmatan-nya sebagai Kerani dalam Perkhidmatan Kerani2 Kerajaan selama sekurang2-nya lima tahun untuk memenohi jawatan2 kosong sebagai Kerani Tingkatan 'A' Lantekan Khas di-berbagai2 Jabatan.

Chalon2 yang hendak memohonkan jawatan ini mestilah menghantarkan permohonan mereka kepada Setia Usaha

Kerajaan melalui Ketua2 Jabatan mereka serta mesti-lah sampai ka-Pejabat Setia Usaha Kerajaan tidak lewat daripada 20 Julai, 1966.

Ketua2 Jabatan, semasa menghadapi permohonan2 (yang mesti di-tulis dalam bentuk surat) mesti-lah menyertakan laporan2 sulit berthabit dengan pegawai2 ini serta menyatakan tugas2-nya sekarang, kelakuan mereka serta kebolehan2 mereka untuk dinaikkan pangkat. Chatetan Perkhidmatan yang lengkap mesti juga di-hantarkan.

Tukang Masak Di-Perkhidmatan Bomba Brunei

PERMOHONAN2 ada-lah di-jemput daripada mereka yang menjadi ra'ayat atau berhak di-daftarkan sebagai ra'ayat D.Y.M.M. Sultan bagi memenohi dua jawatan kosong sebagai Tukang Masak di-Perkhidmatan Bomba, Brunei.

Gaji:

Dalam sukatan gaji \$200x 5-220 sa-bulan.

Kelayakan2 dan Pengalaman:

Pemohon2 mesti-lah bangsa

Melayu, berumur di-antara 30 hingga 45 tahun dan berpengalaman memasak di-Mess/Kantin atau di-ke-dai makan.

Pemohonan2 yang mesti di-penohkan di-dalam borang2 yang boleh di-perolehi daripada Pegawai Perjawatan, Brunei, mesti-lah di-kembalikan kepada Setia Usaha Kerajaan, Brunei, tidak lewat daripada 21 Julai, 1966.

Pembantu Perkamusan Di-Jabatan Dewan Bahasa Dan Pustaka Brunei

PERMOHONAN2 ada-lah dipelawa dari orang2 Melayu yang menjadi ra'ayat Duli Yang Maha Mulia Sultan atau mereka yang berhak di-daftarkan sedemikian bagi memenohi jawatan Pembantu Perkamusan di-Jabatan Dewan Bahasa dan Pustaka, Brunei.

Gaji:

Dalam sukatan gaji D 1-2-3 EB 4 \$270x15-360x20-480/EB/500x20-620.

Kelayakan2 dan Pengalaman:

(a) Sekurang2-nya melalui Tingkatan V Persekolahan Menengah Kerajaan, atau kelayakan yang sebanding dengan-nya;

(b) Mahir di-dalam kedua2 bahasa Melayu dan Inggeris, ada mempunyai bakat dan kechenderongan dalam hal ehwal perkamusan.

Pemohonan2 yang mesti di-penohkan di-dalam borang2 yang boleh di-perolehi daripada Pegawai Perjawatan, Brunei, mesti-lah di-kembalikan

kapada Setia Usaha Kerajaan, Brunei, tidak lewat daripada 16 Julai, 1966.

Posmen

PERMOHONAN2 ada-lah di-jemput daripada ra'ayat D.Y. M.M. Sultan atau mereka yang berhak di-daftarkan sedemikian untuk memenohi jawatan2 Posmen dalam Jabatan Perkhidmatan Pos, Brunei.

Kelayakan2:

- (a) Pemohon2 mesti-lah berkelulusan Darjah VII Sekolah Melayu.
- (b) Berumur di-antara 18 dan 25 tahun.

Gaji:

Dalam sukatan gaji F 2-3-4 EB 5 \$180x5-240/EB/250x10x270.

Pemohonan2 mesti-lah diisi di-dalam borang2 yang boleh di-perolehi daripada Pegawai Perjawatan, Brunei, dan mesti-lah di-kembalikan kepada Setia Usaha Kerajaan, Brunei tidak lewat dari 18 Julai, 1966.

BOLA SEPAK:

Sibu Melawan Daerah Belait Dan K.M.S.

SERIA. — Pasokan Bola Sepak Sibu, Bahagian Ketiga Sarawak telah melawat ka-Negeri Brunei dalam bulan Jun yang lalu. Semasa lawatan tersebut, pasokan itu telah mengadakan perlawanan2 bola sepak sa-chara persahabatan dengan Pasokan Daerah Belait dan Pasokan Klab Melayu Shell.

Perlawana bola sepak yang pertama itu telah di-langsungkan di-Gelanggang Sokan Setia pada petang hari Ahad 26 Jun.

KEPUTUSAN

Dalam perlawanan tersebut, Pasokan Sibu telah mengalahkan Pasokan Daerah Belait dengan enam gol berbalas tiga.

Pada masa rehat kedua2 pasokan telah seri. Pasokan Daerah Belait, ia-itu mengandungi pemain2 yang di-pilih dari Setia dan Kuala Belait, telah memperolehi dua gol dan begitu juga pasokan para pelawat itu memperolehi dua gol.

Sa-lepas berehat, Pasokan Daerah Belait telah mendapat satu gol lagi dan Pasokan Sibu mendapat tiga gol lagi.

Sejak perlawanan di-mulakan hingga-lah tamat perlawanan itu, pemain2 Pasokan Daerah Belait dan Pasokan Sibu telah bermain dengan bersungguh2 untuk memperolehi kemenangan kapada pasokan masing2.

Penjaring2 gol bagi kedua2 pasokan ada-lah seperti berikut:

Pasokan Daerah Belait: Ali Talip menjaringkan dua gol dan Vim Bahadur, sa-orang daripada dua orang pemain2 dari Pasokan Tentera Gurkha, telah menjaringkan satu gol.

Pasokan Sibu: Yusuf Abu Nawas menjaringkan empat gol dan Fadil Bustamam menjaringkan dua gol.

Pengadil-nya ia-lah Awang R. G. Clark.

Pada malam hari Isnin 27 Jun, Pasokan Sibu telah bertemu dengan Pasokan Klab Melayu Shell, bertempat di-Padang Besar, Kuala Belait di-bawah sinaran lampu elektrik.

Dalam perlawanan tersebut, Pasokan Sibu telah mengalahkan Pasokan Klab Melayu Shell dengan tiga gol berbalas dua.

Kadir Yusof dan Su'ut telah menjaringkan satu gol sa-sa-orang bagi pehak Pasokan Klab Melayu Shell.

Ali Bema, Willy Chin dan Majid Haji Bohari telah menjaringkan satu gol sa-sa-orang bagi pehak Pasokan Sibu.

JADUAL PERLAWANAN2 BOLA SEPAK

JAWATAN KOSONG:

JURURAWAT TERLATEH

PERMOHONAN2 ada-lah di-jemput daripada jururawat2 yang berkelayakan bagi memenohi beberapa jawatan sebagai Jururawat Terlatah di-Jabatan Perubatan dan Kesehatan, Brunei.

Kelayakan2:

Pemohon2 mesti-lah telah mendapat latehan dan lulus dalam bidang kejururawatan 'am dari sa-buah Sekolah Latehan yang di-akui.

Gaji:

Dalam sukatan D3 \$380x 20-480 sa-bulan.

Pemohon2 yang berjaya akan di-kehendaki menghantar sijil kesehatan tuboh badan.

Sharat2 Lantekan:

Sechara berkontrek selama 3 tahun termasuk masa perchubaan selama 6 bulan yang pertama. Pembaharuan kontrek ia-lah dengan persetujuan bersama.

Lantekan isteri2 pega-wai Kerajaan Brunei ia-lah sechara sa-bulan ka-sa-bulan.

Baksis:

Baksis sebanyak 12½% daripada gaji akan di-bayar bagi tiap2 bulan genap berkhidmat. Baksis tidak akan di-bayar jika berhenti atau di-buang kerja.

Butir2 mengenai sharat2 perkhidmatan boleh di-dapati daripada Pegawai Perjawatan, Pejabat Setia Usaha Kerajaan, Brunei.

Permohonan2 yang mesti di-penohkan di-dalam borang2 yang boleh di-perolehi daripada Pegawai Perjawatan, Pejabat Setia Usaha Kerajaan, Brunei, hendak-lah di-kembalikan bersama2 dengan salinan surat2 akuan dan siji2 kepada Setia Usaha Kerajaan, Brunei, tidak lewat dari 20 Julai, 1966.



Dalam gambar ini kelihatan di-antara orang2 dewasa dan kanak2 yang menyaksikan perarakan Maulud Nabi di-Bandar Brunei pada petang hari Sabtu yang lalu.

Perlawanan Sa-paroh Akhir Kriket Bagi Merebutkan Perisai Davidson:

BRUNEI MENGALAHKAN SARAWAK

SERIA. — Negeri Brunei telah mengalahkan Negeri Sarawak dalam Perlawanan Sa-paroh Akhir Kriket bagi merebutkan Perisai Davidson pada tahun ini.

Perlawanan tersebut telah di-adakan di-Padang Klab Panaga, Seria selama dua hari, ia-itu pada hari Sabtu dan Ahad yang lalu.

Dalam perlawanan kriket itu, Negeri Brunei telah mendapat sa-jumlah 306 mata dan Sarawak telah mendapat 196 mata.

Pada hari pertama Brunei telah mendapt 111 mata dan 195 mata lagi telah di-perolehi pada hari kedua.

Sarawak pula telah mendapat 123 mata pada hari pertama dan 73 mata pada hari kedua.

Dengan kemenangan tersebut, Negeri Brunei akan melawan Sabah untuk merebutkan gelaran Kejohanan Kriket bagi Seluruh Borneo pada tahun ini.

Bagaimana pun, pada masa membuat berita ini, tarikh dan tempat perlawanan akhir itu, belum-lah di-tetapkan lagi.

CHATETAN: Sabah menjadi Johan dalam Perlawanan Kriket bagi Seluruh Borneo pada tahun 1965.

Keputusan Perlawanan Bola Sepak Daerah Belait

KUALA BELAIT. — Keputusan Perlawanan Bola Sepak League Daerah Belait bagi pusingan pertama hingga ka-minggu yang lalu ada-lah saperti berikut:

Pasokan	Kali Bermain	Menang	Seri	Kalah	Jumlah Mata
2/6 Gurkha Rifles	4	4	0	0	8
J.K.R. "B"	5	4	1	0	8
K.B.R.C.	5	3	1	1	7
Sekolah St. Michael	6	3	3	0	6
Klab Melayu Shell "A"	3	2	0	1	5
Panaga	4	2	2	0	4
Maktab Anthony Abell	4	2	2	0	4
Bekas Penuntut2 Sekolah St. Michael	1	1	0	0	2
Pulis Diraja	4	1	3	0	2
J.K.R. "A"	5	1	4	0	2
Klab Melayu Shell "B"	5	1	4	0	2
Klab Dayak Shell	4	0	4	0	0

Pegawai2 Dan Warder2 Pusat Tahanan Berakas Menyambut Maulud Sa-chara Besar2an

BERAKAS. — Ramai para jemputan dan lain2-nya telah hadir di-Majlis Sambutan Maulud Nabi Mohamed s.a.w., yang telah di-adakan oleh Pegawai2 Warder dan Warder2 Pusat Tahanan Berakas, Brunei di-kawasan tempat tinggal Pegawai2 Warder dan Warder2 itu di-Jalan Berakas pada malam Ahad yang lalu.

Berbagai2 achara telah di-adakan di-majlis itu. Di-antara-nya ia-lah ucapan2 oleh Pengerusi Majlis Sambutan tersebut, Tuan Haji Baksin; oleh Tuan Haji Abdul Rahman dari Jabatan Hal Ehwal Ugama Brunei dan oleh Ustadz Abdul Latiff bin Haji Hashim, selaku wakil Persatuan Kebajikan Melayu Sa-Malaysia, di-Brunei.

Kemunchak dari achara2 yang telah di-adakan di-majlis tersebut ia-lah satu Sharahan Khas mengenai Mauludun Nabi Mohammed yang telah di-lafadzkan oleh Al-Ustadz Ahmad Sonhaji dari Sekolah Menengah Arab Hassanah Bolkiah, Bandar Brunei.

Bachan2 Al-Koran telah di-perdengarkan oleh Al-Ustadz Haji Khalidi dan Al-Ustadz Salleh Abdul Karim, manakala Al-Ustadz Awang Abdul Kadir bin Awang serta beberapa orang yang lain telah berkhasidah dan bernashid di-majlis tersebut.

Para hadirin telah menikmati jamuan nasi minyak selepas di-adakan Bachaan Do'a Selamat dan telah bersurai hampir2 tengah malam.

o:—:o:—:o:

Rancangan Lawatan Badan Penerangan Ugama Islam

BANDAR BRUNEI. — Rancangan lawatan Badan Penerangan Ugama Islam Negeri Brunei, ia-itu mengandongi Sharahan Ugama dan tayangan wayang gambar bagi bulan Julai ada-lah saperti dibawah ini:

Penyakit Malaria Dapat Di-Hapuskan Di-Negeri Brunei Menjelang Tahun 1970

BANDAR BRUNEI. — Doktor Yao Tsing Wu, Ketua Rancangan Penghapusan Malaria Negeri Brunei berkata bahawa penyakit Malaria akan dapat di-hapuskan di-Negeri Brunei, menjelang tahun 1970 sa-kira-nya penduduk2 di-kawasan2 pendalaman meneruskan kerjasama mereka dengan Bahagian Penghapusan Malaria dalam usaha-nya untuk menghapuskan penyakit itu dari negeri ini.

Ketika menerangkan berke-naan dengan kemajuan yang telah di-chapai oleh Bahagian Penghapusan Malaria itu dalam masa lima bulan yang lalu, Doktor Wu berkata bahawa peringkat pertama kempen itu yang telah di-jalankan di-seluruh negeri ini telah pun di-laksanakan dalam minggu yang lalu.

Pekerjaan2 yang telah di-jalankan itu ialah sa-chara menyebarkan ubat D.D.T. pemeriksaan orang2 yang di-shakki mengidap penyakit itu dan menjalankan pengkajian terhadap jenis2 nyamok.

KERJASAMA

Doktor Wu berkata kejayaan yang telah dapat di-laksanakan oleh jabatan-nya itu, ialah hasil dari kerjasama yang baik dari kalangan penduduk2 di-kawasan2 pendalaman.

Penduduk2 kampung pada masa ini sudah pun mengetahui mengenai marabahaya yang di-perolehi dari penyakit malaria, yang Bahagian Penghapusan Malaria itu telah berusaha dengan bersungguh2 untuk menghapuskan-nya, kata Doktor Wu.

Dalam masa lima bulan yang lalu, kata beliau, 22 orang telah di-sahkan mengidap penyakit Malaria. Kesemua-nya itu pada masa ini di-rawat di-rumah mereka sendiri.

Dalam tahun lalu 126 orang telah di-sahkan mengidap penyakit Malaria dalam negeri ini dan dalam masa itu Pasokan2 Menchegah Penyakit Ma-

laria telah melawat sa-jumlah 265 kampung2 di-seluruh negara.

Doktor Wu menerangkan lagi bahawa Kempen Kedua bagi menyebarkan ubat D.D.T. itu di-kampung2 di-seluruh negara akan di-sambong sa-mula pada minggu ini.

PERUBAHAN DAN ULANGKAJI NAMA PENGUNDI2 DALAM BUKU DAFTAR PILEHAN2 RAYA DI-MULAKAN MINGGU HADAPAN

BANDAR BRUNEI. — Perubahan dan ulangkaji ka-atas nama dalam Buku Daftar Pilehan Raya bagi Pilehan2 Raya Majlis2 Mashuarat Negeri dan Daerah akan di-adakan selama satu bulan mulai dari 12 Julai.

Dalam masa itu, rombongan pendaftaran akan melawat kampung2 di-seluruh negeri untuk menjalankan kerja2-nya.

Perubahan dan ulangkaji itu akan membolehkan mereka yang telah layak dan berhak mengundi sejak ulangkaji lalu akan di-daftarkan dalam senarai nama2 mereka yang akan mengundi.

Ulangkaji itu akan juga membolehkan sa-orang pengundi yang berdaftar supaya menukarkan pendaftaran-nya kepada kawasan pendaftaran yang lain berikutan dengan perubahan alamat.

Pengerusi Surohanjaya Pilehan Raya, Yang Berhormat

Pengiran Dato Setia Haji Abu Bakar berkata bahawa permohonan2 untuk pendaftaran hendaklah di-buat kepada Pegawai Pendaftaran atau pun Penolong Pegawai Pendaftaran.

Pemohon2 tersebut mesti-lah telah cukup umur 21 tahun pada 11 Julai.

Pemohon2 yang berhak di-daftarkan akan di-kehendaki menunjuk-kad pengenalan mereka untuk di-lihat oleh Pegawai Pendaftaran.

Dalam masa ulangkaji itu, langkah2 akan di-ambil untuk menchatatkan dalam Buku Daftar Pilehan Raya, angka2 kad pengenalan pengundi2 tersebut.

Untuk membolehkan kerja2 itu di-jalankan, maka mereka yang telah di-daftarkan hendaklah menghadhirkkan diri mereka kepada Pegawai Pendaftaran dan menunjuk-kad pengenalan masing2.

SAMBUTAN MAULUD DI-BANDAR BRUNEI

(Dari Muka 1)

Paduka Duli Pengiran Peman-cha telah menyeru umat Islam seluruh-nya supaya memupok semangat yang telah di-tunjokkan oleh mereka itu dan janganlah hendak-nya terjadi sa-bagaimana ibarat, "musim buah yang ketika sampai musim-nya di-ingati dan ketika bukan musim-nya tertinggal begitu sahaja dalam hidup yang meranting."

Dalam menempoh hidup di-dunia ini, Yang Teramat Mulia Seri Paduka Duli Pengiran Peman-cha telah mengingatkan ra'ayat negeri ini supaya berusaha untuk dunia sa-olah2 kita hidup sa-lama2-nya dan menuntut ilmu akhirat sa-olah2 kita mahu mati esok hari.

Pengetua Pegawai Hal Ehwal Ugama Negeri Brunei,

Yang Amat Mulia Pengiran Muda Dato Paduka Kemaluddin, selaku Pengerusi Sambutan Maulud Nabi Mohamed s.a.w., berkata semasa berucap di-majlis tersebut bahawa beliau mempunyai harapan moga2 perarakan yang telah di-adakan pada hari tersebut bagi menyambut Maulud akan membawa erti yang maha besar kepada chita2 Kerajaan Kebawah Duli Yang Maha Mulia Paduka Seri Baginda Maulana Al-Sultan ia-itu bersatu padu dan mendukung Ugama Rasmi Negara, ia-itu Ugama Islam.

Pemangku Kadhi Besar Negeri Brunei, Yang Mulia Awang Haji Mohamed Zain bin Haji Seruddin telah melafadzkan satu ucapan khas

mengenai Maulud di-majlis tersebut.

Awang Haji Mohamed Zain juga telah memberikan satu nasehat yang berfaedah kepada para ibu-bapa berkenaan dengan pendidikan anak2 mereka.

Yang Teramat Mulia Seri Paduka Duli Pengiran Peman-cha telah menyampaikan hadiah2 kepada pasokan2 yang menang dan juga sijil kepada tiap2 pasokan yang mengambil bahagian.

Sambutan tersebut di-akhiri dengan Bacha'an Do'a Selamat oleh Yang Dimuliakan Pehin Udana Khatib Awang Tamin bin Abdul Hamid.

Keputusan perarakan Sambutan Maulud di-Bandar Brunei ada-lah di-siarkan di-muka 3.



Ini-lah satu pemandangan di-Padang Besar, Bandar Brunei sa-belum di-mulakan perarakan Sambutan Maulud Nabi Mohamed s.a.w., pada petang hari Sabtu 2 Julai, 1966.


Menghadhiri Kursus Pemulihan Di-Bunut

BUNUT. — Seramai 19 orang tahanan dari Pusat Tahanan Berakas telah di-pindahkan ka-Pusat Pemulihan Bunut pada petang hari Isnin 4 Julai, 1966 untuk menghadhiri satu kursus pemulihan.

Mereka akan menghadhiri kursus pemulihan itu sa-lama 2 bulan dan akan di-bebaskan pada 4 September, 1966.


GAMBAR2 SAMBUTAN MAULUD DI-BANDAR BRUNEI

Yang Teramat Mulia Seri Paduka Timbalan Sultan, Duli Pengiran Pemancha (bilangan ketiga dari kiri) kelihatan semasa diadakan Bachaan Do'a Selamat sa-bagai menandakan tamat-nya Sambutan Maulud di-Bandar Brunei pada petang hari Sabtu yang lalu.



Pasokan Sekolah Menengah Arab Hassanal Bolkiah, Pemenang Ketiga dalam Bahagian Murid2 Sekolah Lelaki.

Naib Johan Bahagian Murid2 Sekolah Lelaki, Maktab Sultan Omar Ali Saifuddin kelihatan berarak melalui Jalan Chevalier.



GAMBAR2 SAMBUTAN MAULUD DI-BANDAR BRUNEI



Pasokan Gabongan Kampong2
Telanai, Mediwa, Bengkurong
dan Tasek Meradun yang telah
menjadi Johan dalam Perarakan
Bahagian Lelaki Dewasa Kam-
pong2.

Johan Bahagian Murid2 Seko-
lah Perempuan, Sekolah Tinggi
Perempuan Raja Isteri Bahagian
“A” kelihatan semasa berarak.



Pasokan Kampong Sumbiling
kelihatan berarak melalui hadap-
an Masjid Omar Ali Saifuddin.